

上清高上金元羽章玉清隱書經

承口

如是羽章玉清隱書萬靈隱音高上玉帝藏之玉清上宮瑤臺瓊房之內侍經蘭庭玉女安練梵皇明基等七百人北漢金仙玉童齡慧總王定雲等五百人執夜光寶明常散三氣返香之華以拂神經之上品是五帝萬仙眾聖一月皆三登玉清上宮散香朝真禮於神經也北臺金玄洞微玉清消魔大王生平始劫之中二儀分判三象植靈天地翳莽幽幽冥正誕於北漢廣寒之庭平丘中城寒谷之濱元為我父玄為我母始結我身以三氣為字諱曰

加 我脫落紫胞而六眼煥精鍊身九千萬丈體生百變之光七元交絡洞曠玉形三景待以朗曜日月為之開明於是受命高上玉皇授以金真玉光紫文丹章玉璽鳳函命魔靈播封掌九玄總領五岳檢攝北鄴匡正三五誠斬六天受任上宮威制萬靈太上以瑤臺玉女七千人金仙玉童二千四百人執華散香侍衛於王金頭巨獸備於玉闕

治北帝寒鄉廣靈之宮時乘碧霞九色流鈴飛輿紫蓋從桑林十真上昇太虛遊宴玉清東諸青華校定方諸西遊龜山定錄天真南方之洞陽南極上元削死注生勸錄安昌中禮金闕太上玉京受事於無極總司於五方

典生死於圖籍制羣妖於北鄴上統無上下領無淵五嶽四瀆十二河源萬仙羣靈莫不咸隸於王焉消魔大王治天北廣寒七寶宮下領北羅鄴山山在北方地高二千六百

里周迴三萬里其山並有七寶珠宮皆鬼神所住山下有萬丈之谷名曰丘寒之泉則是鬼神之獄北帝大魔王即住在山上紆絕陰天宮中有大魔王姓兜窮諱

也 產生官屬三萬八千人名悉隸屬於消魔大王凡後學成仙消魔大王皆使大魔王保舉列言然後乃得飛行上清大魔王常欲敗人之學惡人得仙便成大魔王之上真故學常為大魔王所試多有不過皆是夫魔所敗學者有知大魔王秘名所住官府則不被試技亦自然得保舉於上清也此

為學常誦消魔王百神之咒則獲於大魔之試魔試既滅真靈尅降得見真形便白日飛騰上昇玉清之宮大魔王衣玄文之氣頭戴橫天之冠腰帶龍頭之劍常乘羽輪之車飛行雲中常作謠歌有三千言亂敗於後學故太上具書其曲在消魔寶真經中有知其曲則試敗不行無復有傷壞之患

東方青帝大魔王姓迫落諱 萬形頭戴橫天之冠衣青羽之裘腰帶青綬虎頭擊囊或著絳章草衣或化為青赤二色之光領官屬九千人住在東方安

大堂鄉納善之世常以春分之日乘青輪羽車飛行雲中遊雲五岳試敗學仙之人凡修仙之道當以此日入室西向誦玉清紫道虛皇上君消魔呪一遍則天魔自滅又不被試九年則致紫道虛皇上君降形於兆身修行自致感應仙道自成也高上玉形之道輕泄滅身亡命 東方青帝玉司君常於春分之日攝東方青帝大魔王上詣鬱悅那林昌玉臺天紫閣之

下受事於玉清紫道虛皇上帝也當此之日亦應誦消魔智慧百神呪一遍也

西方白帝大魔王姓鄧諱

三

兒頭戴橫天素冠衣白羽之裘腰帶素靈之絞五色虎頭髻囊或著皂統單

衣或化為老嫗中白中手執金板或化為紫蒼二色之光領官屬七千人住在西極福堂州盛行之世常以秋分之日乘白輪羽車飛行雲中遊宴五嶽試敗學仙之人凡修仙之道當以其日入室南向誦玉清翼日虛皇上帝君消魔呪一遍則天魔王自滅又不被試一十二年則致翼日虛皇上帝君降形於兆身修行自致感應仙道自成也高上玉秘之道輕泄身滅鬼官

西方白帝玉司君常以秋分之日攝西方白

帝大魔王上詣高桃厲冲龍羅天玉闕之下

受事於玉清翼日虛皇上帝君也當此之日亦應誦消魔智慧百神呪一遍也

南方赤帝大魔王姓褚諱

聖

上相頭戴橫天朱冠衣青羽之裘

腰帶丹靈之絞虎頭髻囊或著黃羅之衣或

為人頭鳥身身如鳳凰或化為玄黃二色之

光領官屬八千人住在宛梨城境弄賢之世

常以夏至之日乘赤輪羽車飛行雲中遊宴

五嶽試敗學仙之人凡修仙之道當以其日

入室北向誦玉清昌陽姬虛皇元君消魔呪

一遍則天魔王自滅又不被試一十八年則致

昌陽姬虛皇高元君降形於兆身修行自致

感應仙道自成也高上玉秘之道輕泄滅身

南方赤帝玉司君常以夏至之日攝南方赤

帝大魔王上詣碧落空歌餘烈天朱闕之下

受事於玉清昌陽姬虛皇高元君也當此之

日亦應誦消魔智慧百神呪一遍也

北方黑帝大魔王姓葉諱

聖

推公頭戴橫天玄冠衣玄羽之裘

腰帶玄靈之絞虎頭髻囊或著青紗單衣或

為人身蛇頭或化為青白二色之光領官屬

五千人住在鬱壘野清靜之世常以冬至之

日乘黑輪羽車飛行雲中遊宴五嶽試敗學

仙之人凡修仙之道當以其日入室西南向

誦玉清七靜導生高上虛皇君消魔呪一遍

則天魔王自滅又不被試十五年中則致七靜

導生高上虛皇君降形於兆身修行自致感

應仙道自成也高上玉秘之道輕泄滅命

北方黑帝玉司君常以冬至之日攝北方黑

帝大魔王上詣娑摩坦婁于翳天玄闕之下

受事於玉清七靜導生高上虛皇君也當此

之日亦應誦消魔智慧百神呪一遍也

西北方浩帝大魔王姓光明諱

聖

法明頭戴橫天紫冠衣紫羽之裘

腰帶紫絞虎頭髻囊或著白紗單衣或為女

子作飛雲髻手執金杖或化為紫白二色之光

領官屬萬人住在西北福德之野延賢之世

常以立冬之日乘紫輪羽車飛行雲中遊宴

五嶽試敗學仙之人凡修仙之道當以其日

入室東南向誦玉清太明虛皇洞清君消魔

呪一遍則天魔王自滅又不被試十二年中則

致太明虛皇洞清君降形於兆身修行自致

感應仙道自成也高上玉秘之道輕泄滅身

西北方浩帝玉司微君常以立冬之日攝西

北方浩帝大魔王上詣扶刀蓋華浮羅天紫閣之下受事於玉清太明虛皇洞清君也此當此之日亦應誦消魔智慧百神呪一遍也

東南方吳帝大魔王姓方生諱

腰帶黃綾虎頭髻囊或著紫紗單衣或為人頭蛇身口銜素綾或化為蒼綠二色之光領官屬六千人住在東南元福田用賢之世常以立夏之日乘黃輪羽車飛行雲中遊宴五岳試敗學仙之人凡修仙之道當以其日入室西北向誦玉清始元虛皇太霄君消魔呪一遍則天魔自滅又不被試十五年則致始元虛皇太霄君降形於兆身修行自致感應仙道自成也高上玉秘之道輕泄滅身

東南方吳帝主司微君常以立夏之日攝東南方吳帝大魔王上詣具渭耶築初默天黃閣之下受事於玉清始元虛皇太霄君也當此之日亦應誦消魔智慧百神呪一遍也

東北方倉帝大魔王姓邵諱

腰帶青綾虎頭髻囊或著綠紗單衣或龍頭人身手執青節或化為火精領官屬九千人住在福集都長安之世常以立春之日乘蒼輪羽車飛行雲中遊宴五岳試敗學仙之人凡修仙之道當以其日入室西南向誦玉清七觀無生虛皇金靈君消魔呪一遍則天魔自滅又不被試十年則致七觀無生虛皇金靈君降形於兆身修行則自致感應仙道自成也高上玉秘之道輕泄殃連七祖己身亡命

腰帶青綾虎頭髻囊或著綠紗單衣或龍頭人身手執青節或化為火精領官屬九千人住在福集都長安之世常以立春之日乘蒼輪羽車飛行雲中遊宴五岳試敗學仙之人凡修仙之道當以其日入室西南向誦玉清七觀無生虛皇金靈君消魔呪一遍則天魔自滅又不被試十年則致七觀無生虛皇金靈君降形於兆身修行則自致感應仙道自成也高上玉秘之道輕泄殃連七祖己身亡命

西南方黃帝大魔王姓五烏盈諱

腰帶綠綾虎頭髻囊或著黃紗單衣或為一人九頭手執金戟或化為紫皂二色之光領官屬七千人住在西官延福鄉仁靜之世常以立秋之日乘綠輪羽車飛行雲中遊宴五

岳試敗學仙之人凡修仙之道當以其日入室東北向誦玉清八觀高元虛皇停景君消魔呪一遍則天魔自滅又不被試九年則致八觀高元虛皇停景君降形於兆身修行自致感應仙道自成也高上玉秘之道輕泄被

考滅身殃及七玄西南方黃帝主司微君常以立秋之日攝西南方黃帝大魔王上詣單綠察寶輪法天紫閣之下受事於玉清八觀高元虛皇停景君也當此之日亦應誦消魔智慧百神內呪一遍也八方大魔王皆與六天同生而其官屬皆有萬眾遊行則從鬼兵幡蓋慶節五色玄黃飛行雲中或在五嶽下歷八閭妬害仙道試敗學仙之人不欲令得仙故高上八帝君以消魔神呪威而制之學者徒知上皇至諱不知天魔之名仙道終不得成有知魔王秘諱而以神呪制之魔王便自連名保舉列言於玉清仙道無不成也其法玄妙高上藏之於幽匱七寶金堂萬劫一宣自無金名玉字列圖帝籍終不得見其文有得此法不學自仙高上以左官執殺侍衛



檢慢輕泄非真七祖充責已身滅命幽執三塗萬劫不原玉清消魔大王金玄百神內呪隱文

高虛撫開四氣肅恭玄玄八會金碧朗空玉慧逸霄洞微發衝四景敷靈六度休神鍊化合變飛步霞峯高會玉清三元上官朝宴九帝八朗丹憲明上開道七元煥通清波避鏡精散玉房高真森羅鬱鬱若流光金仙執華素靈散芳飛天巨獸備衛玉皇三象停虛三牌翳昏神符萬變七星交奔九帝顯蓋徘徊洞門裁裁高虛魏魏德尊滋生萬化陰察聖源撥命五帝徵召上元消魔變愈迴風迅雷掃除妖祟收攝魔群束精捕靈受命帝君有罪者戮有功者原勒名三天主司大神金玄玉慧皆如玉文鬱羅廣都兆生私存玄帷總命乘空無輪百神之宗日發易遷悟達之門度法合光運長彌劫速離開神華寢明質是北酆魔王諶歌玄音亂我雲營仙按名檢察付玉晨高上之命悉如太真於是五老策轡高秀皇庭羽裙玉袂錦帔流鈴金冠紫佩日

華吐精靈光曜輪八暉玄清五帝翼腹輔輪四明洞天矚觀妙景雲霄天扉解開雲霧開明翹騰紫霄八塗合冥道妙速暢遊夢上清七聖同符理命長生三迴五轉拔度七星太一務猷勸錄仙庭凌梵履昌五氣合并十絕牢張開度丹名玄母歡熙永保常生白元無英日會黃寧五老齊契枝秀華榮保錄南仙莫不胎嬰三氣觀光金仙浴形朽尸騰飛上昇三清太一枝魔天元攝精滅試消凶不得妄生六師揚電放擲火鈴威振八界十方肅濛龍飛鳳翔上披四明丹文錄字金書羽經世保景龍運契仙度九真纏綿上願剋成制魔係舉飛登玉清消魔金玄百神內篇皇上寶祕藏之瓊宮授於上聖不傳下仙有金名玉字列圖朱軒胃藏生華當得此文修行萬徧駕景乘雲飛騰三清出入帝晨上開七祖解技宿根度生錄於南宮保紫胞於胎元攝生道於十方命玉慧於金房希靈霞於妙感撫八會於九空爾乃招真景以曲降親神頽於玉皇期微章於蘭庭制天魔於北酆

凡行此道常以八節及本命太歲之日轉經行道履行名山皆當北向叩左齒三十二通切聲而誦篇誦詠一篇神朗氣清天魔滅景仙道自成輕泄此法七祖充責已身亡命終不得仙  
玉清紫道虛皇上君鬱悅那林昌玉吉室天中消魔智慧呪隱文金玄羽章  
玉天四張八世高靈三羅煥落玉慧洞清金唱虛音振響瓊瓊百和結真檢制魔名三波夷恬瀆格賈生吐毒納善彌命鬼兵北酆不拘放浪雲營玉帝唱嘯羣魔摧傾六天滅景  
三道布靈皇上散暉我道已明太一勸籍務猷保生公子度符枝解七星五苦成散朽骨仙榮滅試保真羽服鬱青帶金佩玉交落流鈴迴合玉霄同入黃寧萬禁開塗飛騰紫庭玉清翼日虛皇上帝君高挑厲冲龍羅天中消魔智慧呪隱文金玄羽章  
高挑奕奕龍羅昂昂金暉騫張四明煥光景雲秀虛朱蘭洋洋玉房紫階交雲四通離羅翼翼神宇堂堂金靈曜虛映帶神王五老八



景上合中張神昌玉慧嘯胡鼓空飛精羽蓋  
佛輪空洞三入北清二謁上官勅命北帝檢  
攝魔王斬滅六天嚴勅北鄴東精縛以受事  
玉皇獲然颺蜈萬萬皆崩道布三真成我仙  
公陵梵履昌守固絳宮司命保昇丹書南昌  
解拔七玄腐骨更翁起度三塗翔翔雲日奉滅  
試召靈消魔同功道合帝一乘景策龍飛登  
高桃龍羅天中  
玉清昌陽姬虛皇高元君碧落空歌餘梨天  
中消魔智慧呪隱文金玄羽章  
北帝放大魔謠歌繞雲陳氛氛翳空洞藉藉  
亂天真飛行九玄霞肆羣數萬千乘虛參天  
氣試或于我仙高上命玉慧羽章朗金玄十  
絕迴朱景神唱自成真靈幡微萬魔肅若風  
拂塵東精滅實生封檢北鄴山昆晶配秋端  
絕景消魔篇五老度符籍司命定命年幽寥  
伯吏車合景鍊我身靈暉映帝席攜提高上  
人赤子招神公降致八帝賓飛登碧落庭飄  
緞入三便拔解五苦根返胎生七玄朽骨皆  
昇飛同入虛无煙

玉清七靜道生高上虛皇君如摩坦婁于翳  
天中消魔智慧呪隱文金玄羽章  
七靜乘劫迴飛虛入北元隱息洞清館曖曖  
陵景雲飛行時陰房日月植靈根推度三象  
運七星煥以分天魔橫雲宮穢氣何紛紛宛  
勒當道生稱為大魔羣謠歌蓋空洞亂惑學  
仙門虛皇命八帝上披于翳闌金玄胡玉慧  
清誦消魔篇催檢攝北帝上對玉清君東魔  
滅杖試悉如九天文洞陽鬱靈標閉固死尸  
源解胞散滯血百節生正神正神輔我身制  
魔命長存靈福充七祖返胎生來仙保真如  
摩天世為道德尊  
玉清太明虛皇洞清君扶刀蓋華浮羅天中  
消魔智慧呪隱文金玄羽章  
飛皇時雲與洞清映浮羅玄酒散朱軒朝靈  
明太霞汎真玄霄上見晃曜景華三清保劫  
用同此德椿柯蕭蕭乘神清握節檢天魔五  
老微北帝收攝鬼神家譜耶掩天其靈靈萬  
仙阿金玄洞玉慧羽章滅謠歌命篇束群杖  
受事請消魔攝仙迴帝席汎此玄津波秀胡

寶太暉其人乎翻施五靈度符籍延昌固命  
柯保我萬劫功誰測天紀多七祖上生天解  
脫度幽羅洞清滅仙試身飛昇玄都  
玉清始虛皇太霄君具謂耶渠初默天中消  
魔智慧呪隱文金玄羽章  
皓映太霄乘虛而迴金華曜晨龍景空飛玉  
仙俠侍五老扶麾太陽啓津七元煥開五帝  
齊真三景徘徊宴輪雲房上披朱機微命八  
天總攝四垂萬靈東帝受事太微擔天折頷  
承間吐威謠歌飛空試或我懷勒名北帝檢  
勇無遺神真出遊天地傾推羣魔降伏仙  
皆飛沖成曲文與我同暉元父玄母萬神總  
歸超步玉霞身登金梯拔出三塗七玄散放  
保仙太霄福慶巍巍  
玉清七觀無生虛皇金靈君冲容育夢敵沙  
天中消魔智慧呪隱文金玄羽章  
冲虛映晨燈暉暉廣陵堂寶雲扇九嶺玉房  
坐虛皇紫宸表玄籍迴風孩道康金符召渡  
卿靈幡攝魔王器灑滅萬試合仙成我功于  
景寶命生運珠守上官靈灌七關府返老花



嬰童拔地戶難保此日月光七祖離幽夜  
 受福南極房金符入玄室身飛昇冲容  
 玉清八觀高元虛皇淨景君單緣察寶輪法  
 天中消魔智慧呪隱文金玄羽章  
 淨景輪法天八觀映玉清飛華落散景返香  
 流金庭虹映煥玄臺三帝合格明蕭月侍金  
 門保此累劫生北元促天運杖幡微五靈禁  
 閉北鄴宮宴慶檢雲營高上觀八荒誣歌從  
 何生郁有鼓洋道稱號灑八冥羽書攝羣祇  
 金玄束萬精魔王並受事滅試消魔經玄命  
 應符會五帝勅已清公子執五符太一固我  
 形三元擇錄籍刻書東華瓊七玄皆昇飛同  
 歎八觀庭  
 消魔智慧呪金玄隱文皆結飛玄自然之氣  
 以成其章煥乎八天之上鬱乎玉清之中制魔  
 定真誠試招仙金音逸朗於紫虛玉慧振響於  
 震庭故高上浮輪以嚴試虛皇象變以觀真  
 輔玉仙以侍衛命五老以檢靈上標玄妙之貴  
 行下崇魏魏手難稱福慶充於玄葉重歷流  
 於種躬朽骨蒙其玄賴受更生於胎仙高難

可名神難可宣故上聖置篇稱為隱文焉  
 八天虛皇帝君受之於九空以傳玉清玉帝  
 君消魔大王大王以傳五帝上真君以傳高  
 上玉皇君高上玉皇君以傳太帝太帝以傳太  
 上大道君太上大道君以傳太微天帝君太  
 微天帝君以傳後聖九玄金闕帝君帝君以  
 付上相青童君皆真真相承集為靈文依科  
 皆七千年聽傳合仙之人自無金名帝圖錄字  
 上清不得妄宣輕泄此道殃及七祖已身亡  
 命明慎而奉焉若有簡名紫臺應得此文當  
 以信立心交齋上金八兩丹錦八十尺紫紋  
 六十尺師與對齋八十日或二十七日告盟  
 而傳無盟而輕泄則愆天信罪延七祖殃鍾  
 後嗣世世盲聾身不得仙修行此道每至八  
 節之日當隨節各誦一遍又以本命甲子太  
 歲之日及當登齋行道誦經三十九章雌一  
 五老寶經玄母八門行間十二上願悉當並  
 誦八天智慧呪一遍若遊行名山或之方面  
 求神仙之道當隨方誦一遍然後行事如此萬  
 試自滅魔王敬護所向皆合所作尅成真人

降形致自然靈藥身映玉光神仙內唱飛行  
 上清  
 玉清鬱悅那林昌玉臺天九暉太晨隱書金  
 玄內文




文始先生所佩以傳鬱絕真人凡修神仙之  
 道當以白書青板上置東方以滅東方青帝  
 大魔王官屬招致東方仙官行之九年則青  
 真上聖皇上丈人降形於兆身使使仙官取  
 自然靈藥又以白書青繒佩身行來東方則  
 致安大堂鄉納善之世界大魔王束帶稽首  
 禮迎仙官侍衛入東嶽則致青雲羽蓋九年  
 飛行上清宮無此文不得妄行東方青帝之  
 道輕召青帝仙官則為大魔所傷失真被殃  
 終不成仙  
 玉清高挑厲冲龍羅觀靈元晨隱書金玄內

文



九老仙都所佩以傳廣靈丈人行神仙之道當以赤書白板上置西方以滅西方白帝大魔王官屬招致西方仙官行之十二年則白景素靈七聖金靈君降形於兆身後使仙官取自然靈藥又以朱書白縉佩身行來西方福堂州盛行之世界大魔王東帝稽首禮迎仙官侍衛入西嶽則致素雲羽蓋十二年飛行玉清宮無文則不得妄行西方白帝之道及入西嶽輕召白帝仙官則為大魔王所傷失真被殃終不成仙也

玉清碧落靈歌餘黎天總晨九極隱書金玄內文



上清高上金元羽章玉清隱書經

玉清高上元君所佩以傳南極上元君行神仙之道當以黑書丹板上置南方以滅南方赤帝大魔王官屬招致南方仙官行之十八年則洞陽丹靈上真景君降形於兆身後使仙官取自然靈藥又以黑書絳文佩身行之南方究梨城境奔賢之世界則大魔王東帝稽首禮迎仙官侍衛入南嶽則得南極寶書致丹雲羽蓋一十八年飛行玉清宮無此文不得妄行南方赤帝之道及入南嶽輕召赤帝仙官則為大魔王所傷失真被殃終不得成仙也

內文

玉清柳摩坦婁于翳天省曜旋根隱書金玄




九天真玉所受以傳太上道君行神仙之道

當以黃書黑板上置北方以滅北方大魔王官屬招致北方仙官十五年則致北極玄上玉真君授兆高上寶書後使仙官十五人又以黃書阜文佩身行之鬱方鬱靈之野清靜世界則萬靈束帶魔王稽首禮迎仙官侍衛入北嶽則致玄雲羽蓋飛行玉清宮無此文不得行北方黑帝之道及入北嶽輕召仙官則為大魔王所傷被殃失仙

內文


玉清扶刀蓋華浮羅天玄景晨平隱書金玄




太素三元君受之於元始天王以傳太和玉女行神仙之道當以紫華書黃板上置西北方以滅浩帝大魔王官屬招致西北福德之野延賢世界仙官十二年則致上官玉女降兆寢房授兆神真之道又紫華黃紋上佩身行之西北延賢世界則萬靈束帶魔王稽首

禮迎得乘飛雲羽蓋遊行玉清宮無此文不得輕行神仙之道呼召仙官則為大魔所傷身被大殃不得仙也


玉清具渭耶渠初默天合暉晨命隱書金玄內文



扶桑大帝受之於太霄真王以傳太微天帝君當以黃筆書蒼板上置東南方以滅吳帝大魔王官屬招致東南方福田用賢世界吳帝仙官十五年則致玉女二十四人給兆驅使取自然靈藥飛行之丸又以黃書綠紋上佩身行之用賢世界則萬靈束縛魔王稽首禮迎得乘綠雲羽蓋飛行玉清宮無此文不得輕行神仙之道呼召仙官則為大魔所傷身被大殃不得仙也  
玉清冲容育鬱離沙天齊暉晨玄隱書金玄內文



西王母受之於北極皇上先生以傳赤精上真君當以青書紫板上置東北方以滅蒼帝大魔王官屬招致東北方福集都長安世界蒼帝仙官十年則致仙童十八人給兆驅使取自然靈藥高上飛玄羽章又以青書生紫紋上佩身行之東北長安世界則萬靈束縛魔王稽首禮迎得乘紫雲羽蓋飛行玉清宮無此文不得輕行神仙之道呼召仙官則為大魔所傷身被大殃不得仙也  
玉清單綠察寶輪法天高上龍煙隱書金玄內文



後聖九玄金闕帝君受之於高元虛皇停景

君以傳上相青重君當以黃書綠板上置西南方以滅黃帝大魔王官屬招致西南方延福鄉仁靜之世界黃帝仙官九年則八帝侍真玉仙降形於兆身授兆飛仙靈藥七十四變光鍊化兆身也又以黃書綠紋之上佩身行之西南延福鄉仁靜世界則萬靈束縛魔王稽首禮迎三元降下飛與瓊輪迎兆登三元之房也無此文不得輕行神仙之道呼召仙官則為大魔所傷滅身失仙也  
玉清八天中隱書金玄內文生於元始之先結飛玄之氣以成於玉文即玉清天中之書也字方一大煥明太空制魔滅精召神攝靈故上聖相承受之以威神此文隱藏不傳於世自無金名蘭臺玉宇紫房不得見聞得有真篇高上給以玉童十二人玉女八人侍真典經防衛有文者身糾於漏慢輕泄則七祖受責於地獄已身被考於三官鑪山虛無子受之於黃老君佩身九年內外映徹隱文自明羅列一形之中光曜九府照明十方身所佩本文飛入八天至開光元年正月一日於




鐘山脫身隱文以傳鬱靈真人鮑世玄世玄  
 即秦穆公侍郎今受號為鬱靈真人治在九  
 疑山洞室之中後聖九玄金闕帝君下為周  
 師改號為老子以八天隱文授於幽王幽王  
 自謂居自然之運代五帝之氣錯陰陽之化  
 不崇天文老子知周文衰收文而去周西度  
 制作教化過闕令尹喜喜心結紫絡面有圓  
 明項帶承天背負七元金名表於玄圖丹札  
 係於紫房氣參太微觸形合真即為述道德  
 經上下二章於綠那之國老子張口於是隱  
 文從口而出以授於喜喜依盟奉受即致八  
 景雲與洞遊八方竦身於虛無之內項生寶  
 明之光七十二相映照一形隨運變化昇入  
 八天其道高妙非可載稱凡以後學不得此  
 文便當絕思於遐望無煩損神於幽山也  
 上相青童君以此文傳西城王君位登四極  
 真人今封一通於西城山中若有金名紫字  
 當以庚子壬寅庚午戊午之歲四月八日七  
 月七日十月一日於八天之一世界精思苦念  
 當得此文


上清高上金元羽章玉清隱書經

金玄羽章玉清隱書藏經有兩部文並同  
 符則各異故附錄于後

九暉太晨隱書金玄內文



觀靈元晨隱書金玄內文




總晨九極隱書金玄內文



峇暉旋根隱書金玄內文



玄景晨平隱書金玄內文



合暉晨命隱書金玄內文



齊暉晨玄隱書金玄內文



高上龍煙隱書金玄內文



上清丹景道精隱地八術經卷上

水主

紫清飛靈八變玉符


隱地八化玄真之術一曰藏影匿形二曰乘虛御空三曰隱輪飛霄四曰出入無五曰飛靈八方六曰解形遁變七曰迴晨轉玄八

曰隱地儻天此乃上清金臺玉室秘房妙術藏之玉笈封以金章侍以玉童術以玉女各八百人太上玉晨高聖君受之於九玄七千年乃傳太極真人東華大神方諸青童扶桑暘谷神王清虛真人告盟于上清裂金以誓身有其文者則隱淪八方有修其術則乘虛駕景口口而授不得妄傳子不示父臣不奉君唯在金簡書名玉篇輕泄祕文殃及七玄身為下鬼充塞河源案如神真秘而奉焉

第一藏形匿影之術當以立春之日平旦入室向東北角上坐思紫雲鬱鬱從東北角上良宮中下覆滿一室暗冥內外良久化為九色之獸狀如驎之形在我眼前因叩齒三十六通而微祝曰  
迴元變影映暉幽蘭覆我紫牖藏我金城與

悉混合莫顯我形畢便九咽止開目雲氣豁除便服飛靈玉符修之一年形常隱空有難之日立於良宮之上取本命上土撮以自障案如立春之日祝思悉自覆人不見焉

陽符



陰符



飛靈玉符太極真人所受服之一年與神同軀萬變縱橫形藏玉房其有祕諱不得書文立春之日東向服符微呼八景陰名祝曰天藏地隱二氣合偶良宮玄房可以騰軀名言上清吞咽靈符元使刀兵與我相畢便服符九咽便止